

KANTIK

TI-MAMM DOUE

VAR DON : *Gloar da Vari.*

1

O Introun vad Ti-Mamm Doue,
 Rouanez euz ann envou ;
 Hirio demeuz ho pugale
 Selaouit ar pedennou.

BISKAN :

Gloar da Vari !
 He meuleudi
 Ra vo ato 'nn hor ginou !
 Ato karomp
 Hag henoromp
 Ar Verc'hez, Mamm hon Aotrou.

2

Hon tud koz 'zeue d'ho pedi
 Guech all pa vezent poaniet,
 Ha ni zeu ive gant dudi
 D'ho chapel 'vit ho kuelet.

3

Hon tud koz 'barz ~~mont~~ d'ar brezel
 Dirazhoc'h a zaouline,

Da c'houlenn ho pennoz santez
Diganehoc'h, o Mamm Doue.

4

Goudeze dinec'h ha laouen
D'ann emgann hi a gerze,
Ha pa vezent var ann dachenn,
Ennhoc'h c'hoaz hi a zonje.

5

ENN AMZER VREMA, O GUERC'HEZ,
Evel hon tud koz guech all,
Ni ho ped, e kreiz hon enkrez,
D'hor zikour ha d'hon dionall.

6

Rak hirio 'nn hon touez e veler
Ober brezel d'ann Iliz ;
C'hoant zo da vouga, Mamm dener,
Ar feiz e kaloun Breiziz !

7

MES C'HOUÏ, MARI, A ZELAOUO
Pedennou ar Vretouned,
Ha, dre ho kras, hi a viro
Feiz ho zadou koz bepred.

8

GRIT MA VO DOUE, ANN ILIZ,
Respetet gant tud hor bro ;
Ha ma vezoz Kerfeunteuniz
Fidel d'ehoc'h bete 'r maro.

9

Hon diouallit, Guerc'hez Vari,
 Dioc'h ar brezel, ar gernez,
 Ha dreist holl dioc'h ar vezventi
 Ha dioc'h peb seurt fallagriez.

10

Ra vo ive hor bugale
 Kelennet mad er skoliou,
 Evit plijout d'ehoc'h, Mamm Doue,
 'Nn eur heulia ho vertuziou.

11

Dreizhoc'h var ed hor parkeier,
 Evel var ieot hor prajou,
 Ra skuillo puill dorn hor c'hrouer
 Ar gliz euz he vennoziou !

12

Mamm Doue, c'houi d'ar baradoz
 Tud Kerfeunteun a gaso ;
 Eno emaoc'h ouz ho gortoz :
 Nikun anhe ne vanko.

Permis d'imprimer :

A. SERRÉ,

Vicaire général.